

1. Երբ ճանապարհ եմ դուրս գալիս,
 Իմ առջևից ես Դու գնում
 Եվ ճամփան ես ինձ ցույց տալիս
 Ու չարիքից հեռու պահում:

Ինձ՝ օտարիս, եղբայր դարձար,
 Միայնակիս՝ անկեղծ ընկեր,
 Ոչ մի վայրկյան չհեռացար,
 Հիսուս օրհնյալ, քաղցր իմ Տեր:

2. Երբ տխուր եմ, հույս ես տալիս,
 Երբ հոգնած եմ ինձ զորացնում,
 Ծնողիցս շուտ ես գալիս
 Ու ինձ օգնում ամեն հարցում:

3. Դու իմ ճամփան ես միշտ հարթում,
 Որ ոտքերս չառնեն քարին,
 Եվ կյանքս ես ապահովում
 Ու սիրալիր ժպտում բարի:

4. Երբ հուսահատ արտասվում եմ,
 Հույս ես տալիս, գոտեպնդում,
 Երբ ծնկում եմ, փառաբանում,
 Խոնարհվում ես, ինձ գուրգուրում:

5. Այնքան մեծ սեր ունես, Հիսուս,
 Որ չեմ կարող խոսքով ասել,
 Դու կորսված, օտար մեկիս
 Քո սուրբերի հետ ես դասել: